



Broj: 10-37- 9791-3 /17
Sarajevo, 4.07.2017.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničku inicijativu

Na 30. Radnoj sjednici Skupštine Kantona Sarajevo, održanoj 24.05.2017.godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, Zastupnica Mersiha Mehmedagić, nazadovoljna dostavljenim odgovorom u vezi primjene smjernica za propisivanje lijekova sadržanih u listi lijekova Kantona Sarajevo u dijelu vremenskog ograničenja za upotrebu lijeka, je ponovo pokrenula zastupničku inicijativu u vezi sa izmjenom istih.

U vezi sa pokrenutom zastupničkom inicijativom, Ministarstvo zdravstva dostavlja sljedeći

ODGOVOR

Ministarstvo zdravstva Kantona Sarajevo je zastupničku inicijativu dostavilo Zavodu zdravstvenog osiguranja Kantona Sarajevo koji je i pripremao Smjernice za korištenje lijekova za listu lijekova Kantona Sarajevo. Odgovor koji smo dobili od pomenutog Zavoda vam dostavljamo u prilogu ovog akta.

Smatramo potrebnim istaći da je stav Komisije za lijekove Kantona Sarajevo, da se u pripremi nove liste lijekova Kantona Sarajevo za svaki lijek definišu izuzetci u primjeni smjernice, a kako bi se izbjegle dosadašnje poteškoće osiguranika Kantona Sarajevo u korištenju lijekova sa liste lijekova.

S poštovanjem,





Broj: 05-01-I-AE-21921/17
Sarajevo, 23.06.2017. godina

MINISTARSTVO ZDRAVSTVA KANTONA SARAJEVO
N/R MINISTRICA ZILHA ADEMAJ, DIPL. OEC.

PREDMET: Izjašnjenje na ponovnu zastupničku inicijativu

Poštovana,


Kako Vašim aktom broj 10-37-9791-3/17 od 05.06.2017. godine od nas tražite da se ponovo izjasnimo na ponovnu zastupničku inicijativu zastupnice u Skupštini Kantona Sarajevo Mersihe Mehamedagić o ukidanju obavezujuće smjernice za korištenje lijeka generičkog naziva betahistin, ovim putem podsjećamo da, prema odgovarajućoj definiciji, lijekovi sa esencijalne liste (pa samim tim i pozitivne liste Kantona Sarajevo) predstavljaju osnovne lijekove za najčešća oboljenja kojima se zadovoljavaju zdravstvene potrebe najvećeg dijela stanovništva.

Pored navedenog, obavezujućim smjernicama sa liste lijekova se utvrđuje pravo osiguranika Zavoda za koju bolest, koliko dugo, u kojem vremenskom intervalu i pod kojih okolnostima mogu koristiti pojedine lijekove na teret sredstava Zavoda. Ovo ne znači da ukoliko ordinirajući ljekar cijeni da je pacijentu potreban lijek koji je dio Liste lijekova a čije bi korištenje moglo poboljšati zdravstveno stanje pacijenta ukoliko se isti koristi za druga oboljenja ili duže od vremenskih rokova od onih utvrđenih smjernicama sa Liste lijekova, da ordinirajući ljekar ne može pacijentu iste propisati, ali u tom slučaju ne na teret sredstava Zavoda, već isključivo na teret pacijenta.


Podsjećamo da, prema važećoj regulativi, Ministar zdravstva Kantona Sarajevo imenuje stručnu nezavisnu Komisiju za lijekove koja inovira i sačinjava prijedlog listi lijekova (uključujući i obavezujuće smjernice za korištenje lijekova), a koja se onda putem Ministarstva zdravstva Kantona Sarajevo dostavlja Vladi Kantona Sarajevo na usvajanje, dok je uloga Zavoda da istu primjenjuje i implementira u praksi putem integralnog informacionog sistema.

S poštovanjem,

Pripremio:


Fikret Jonuz, mr.sci.oec.prim.spec.dr.
Šef Službe za medicinske poslove

Kontrolisala:


Anesa Eminović, mr. ph. spec.
Pomoćnik direktora za medicinske
i farmaceutske poslove



DIREKTOR


Mr.sci.oec.prim.spec.dr. Samir Turković